

REGIONALNI STAMBENI PROGRAM - RSP

Broj: 04-36-1-134-9947/13

Datum: 09.03.2022. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-9891-2/13 od 24.11.2021. godine, Federalni ministar raseljenih osoba i izbjeglica **d o n o s i**

O D L U K U
O IZBORU NAJPOVOLJNIJEG PONUĐAČA -
Izvođenje radova na izgradnji višeporodičnog stambenog objekta
u općini: Vogošća (1 zgrada – 27 stanova),
u okviru Regionalnog stambenog programa - RSP,
BiH6 Pod-projekta, 10/21-RSP-BIH6
LOT 1

I

U cilju odabira najpovoljnijeg ponuđača, nakon provedenog otvorenog postupka javne nabavke radovi - Izvođenje radova na izgradnji višeporodičnog stambenog objekta u općini: Vogošća (1 zgrada – 27 stanova), u okviru Regionalnog stambenog programa - RSP, BiH6 Pod-projekta, 10/21-RSP-BIH6, kao najbolje ocijenjena prihvatljiva ponuda je ponuda ponuđača **“GTR” D.O.O. MOSTAR, sa ukupnom cijenom ponude sa uračunatim popustom bez PDV - a u iznosu od 2.453.486,70 KM.**

II

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-9891/13 od 03.11.2021. godine. Javna nabavka provedena je putem otvorenog postupka. Predmet nabavke podijeljen je na dva LOT-a. Ukupna procijenjena vrijednost nabavke iznosila je 3.184.091,00 KM, bez PDV-a i predviđena je Planom javnih nabavki za 2021. godinu u okviru Regionalnog stambenog programa, pod rednim brojem 10/21-RSP-BIH6. Procijenjena vrijednost nabavke za Lot 1 je iznosila 2.323.526,00 KM. Obavijest o nabavci, broj: 668-1-3-67-3-122/21 poslana je na objavu 04.11.2021. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 69/21 od 12.11.2021. godine. Ispravka obavještenja o nabavci, broj: 668-1-3-67-8-126/21 poslana je na objavu 25.11.2021. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 74/12 od 03.12.2021.godine.

Pet ponuđača je dostavilo ponudu u predmetnom postupku nabavke. Ponude su dostavljene blagovremeno. Ponude su dostavili sljedeći ponuđači : “DŽEKOS” D.O.O. SARAJEVO, “GTR” D.O.O. MOSTAR, “INGRA” D.O.O. SARAJEVO, “ITC” D.O.O. ZENICA i “PROGRAD” D.O.O. ŽEPČE.

Komisija za javne nabavke, imenovana Rješenjem, broj: 04-36-1-134-9891-2/13 od 24.11.2021. godine, izvršila je pregled i evaluaciju prispjelih ponuda i konstatovala da od ukupno 5 (pet) dostavljenih ponuda, 3 (tri) su prihvatljive za ugovorni organ, a 2 (dvije) ponude se odbacuju kao neprihvatljive.

Ponuda dostavljena od strane „DŽEKOS” D.O.O. SARAJEVO se odbacuje kao neprihvatljiva jer ne ispunjava uslove tražene tenderskom dokumentacijom kako slijedi: U tenderskoj dokumentaciji u tački 7.4.1. je traženo: 7.4. TEHNIČKA I PROFESIONALNA SPOSOBNOST, 7.4.1 Što se tiče tehničke i profesionalne sposobnosti, u skladu sa članom 48 i 51. Zakona, ponuda će biti odbačena ako ponuđač ne ispuni slijedeće minimalne uslove :1.Da Ponuđač ima angažovano u radnom odnosu, pod Ugovorom o djelu ili poslovno- tehničkoj saradnji minimalno, ključno osoblje: Lot 1: 1(jedan) VSS/dipl.inženjer građevine sa položenim stručnim ispitom, 5 (pet) godina radnog iskustva, i iskustvom u realizaciji na minimum 3 (tri) slična projekta*; 1(jedan) VSS/dipl.inženjer arhitekture sa položenim stručnim ispitom, 5 (pet) godina radnog iskustva, i iskustvom u realizaciji na minimum 3 (tri) slična projekta*;1(jedan) VSS/dipl.inženjer elektrotehnike sa položenim stručnim ispitom 5 (pet) godina radnog iskustva, i iskustvom u realizaciji na minimum 3 (tri) slična projekta*,1(jedan) VSS/dipl.inženjer mašinstva sa položenim stručnim ispitom, sa 5 (pet) godina radnog iskustva, i iskustvom u realizaciji na minimum 3 (tri) slična projekta*, 1(jedan) VSS/dipl.inženjer zaštite na radu ili drugi dipl. Ing/ing. iz druge tehničke grupacije, sa 5 (pet) godina radnog iskustva iz zaštite na radu, i iskustvom u realizaciji na minimum 3 (tri) slična projekta*.U dostavljenim biografijama za inženjere Kasumagić Faris, dipl.ing. arhitekture-Berić Mirsad, dipl.ing.mašinstva, Karamehić Melia, dipl.ing.građevinarstva i Karišik Mirsad, inženjer građevine, nije navedeno iskustvo u realizaciji na minimum 3 (tri) slična projekta. Ponuda dostavljena od strane ponuđača “INGRA” D.O.O. SARAJEVO se odbacuje kao neprihvatljiva jer ne ispunjava uslove tražene tenderskom dokumentacijom kako slijedi: U tenderskoj dokumentaciji u tački 8.2.1.je traženo:6.1.3 Količina predmeta nabavke - Količina predmetnih radova se nalazi u prilogu 15a - predmjer radova za Lot 1 i za Lot 2, Tenderske dokumentacije. U ponudi moraju biti ponuđene sve stavke na način kako je definisano tehničkom specifikacijom – predmjerom radova. Napomena: Predmjer radova mora biti u cjelosti popunjen bez alternativnih rješenja ili nepopunjenih podataka, u protivnom isti će biti odbijen kao nepotpun, a time ponuda proglašena kao neprihvatljiva. Ugovorni organ sugeriše svim ponuđačima da prije dostave ponude još jednom pregledaju da li su sve pozicije iz predmjera radova popunjene. U dostavljenom predmjeru radova, Nabavka, transport i ugradnja jednomlaznih vodomjera, za f 75 mm, (str. 43) nije unešena jedinična cijena niti ukupno, također u dijelu Vanjsko uređenje – E faza, na str. 80 – pozicija 12 – Iskop zemlje za izradu temelja stuba vanjske rasvjete, nije upisana jedinična cijena niti ukupno.

Nakon izvršenog pregleda i evaluacije ponuda, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9941/13 od 15.02.2022.godine zajedno sa Preporukom da se donese Odluka o izboru najpovoljnijeg ponuđača “**GTR**” **D.O.O. MOSTAR**, sa registriranim sjedištem na adresi u Bišće polje b.b., Mostar, ID broj: 4227184360003, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

MINISTAR

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a

dr.sci. Edin Ramić